

Powšitkowne WOZJEWJENJA

njedźelu, 19. januara 2025

Pišćelowy nyšpor w Chróśćicach

Pišćelowy nyšpor z mjezynarodnje koncertowacym dorostowym serbskim organistom Johannesom Krahlom budže njedźelu, 19. januara, w 17.00 hodź. w Chróśćanskej wosadneje cyrkwi. Zastup je darmotny, při durjach budže zběrka. Organist pochadža z Dobranec a skutkuje tučasnje w Lipsku a Greifswaldze. Wšitcy zajimcy su přeprošeni.

Nyšpor składnostnje 100. posmjertnin tachanta Jakuba Skale

Składnostnje 100. posmjertnin serbskeho tachanta Jakuba Skale přeprošujetej Towarstwo Cyrila a Metoda z.t. a Maćica Serbska wěriwych na wopomnjenski nyšpor do Budyskeje tachantskeje cyrkwy. Tón budže njedźelu, 19. januara, w 14.00 hodź. Přizamknjetej so spominanje při jeho rowje na Mikławšku a zhromadna swačina na tachantskej farje.

Na swjedžen swjateho Bosćana

Chróśćanske Bratstwo swjateho Bosćana přeprošuje svojich člonow a zajimcow, so pónđzelu, 20. januara, na swjatočnych kemšach w 9.00 hodź. a na nyšporje w 14.00 hodź. w Chróśćanskej cyrkwi wobdźělić. Přizamknje so hlowna zhromadizna na farje. Štóż chcył Bratstwu přistupić, měł so w farskim běrowje přizjewić, telefonowe čisło (03 57 96) 80 400.

Boža mša na wopomnjenskim dnju zbóžneho Alojsa

Na swjedžensku Božu mšu na wopomnjenskim dnju zbóžneho martrarja Alojsa Andrickeho su wěriwi pónđzelu, 3. februara, we 18.30 hodź. do Radworja prošeni. Swjedženski předar budže farar Matthias Kocner z Budyšina. Kemše wuhotuja Radworski němski cyrkwinski chór. Po kemšach je šijeswjećenje.

„Pój, wjesel so!“ – Zhromadny dzeń za 1. a 2. lětnik

Pod hesłom „Pój, wjesel so!“ su dźěći 1. a 2. lětnika w zymskich prózdninach do Don Boskoweho domu we Worklecach přeprošene. Zarjadowani wotmějetej so po wutoromaj, 18. kaž tež 25. februara, wot 9.00 do 15.00 hodź. Přizjewjenje je hač do njedźele, 9. februara móžne. Njeh so dźěći póstnisce předrasća. Swójski přinošk wučinja pjeć eurow. Link k přizjewjenju je pod www.posol.de/wozjewjeny.

Přednošk z impulsami za swójski směr žiwjenja

Na dalšim zarjadowanju we wobłuku Kulturneje zymy w putniskej hospodze Moniki Gerdesoweje w Chróśćicach poda Kamjenski farar Uwe Peukert sobotu, 25. januara, impulsy, kak móžeš swójski směr žiwjenja nańć. Tema jeho přednoška rěka „Lubuj swoju žiwjensku stawiznu – To je puć, kotryž je Bóh z tobu kročil“. Započatk je w 19.45 hodź. Hižo w 16.00 hodź. poskičuje hosćicielka serbske dźěćace kino. Wšitcy zajimcy su wutrobnje přeprošeni.

Putniska jězba do Medžugorja

Dwurěčna putniska jězba do Medžugorja wotměje so wot soboty, 26. apryla, hač do soboty, 3. meje. Zajimcy měli so hač do pjatka, 31. januara, pola Andreje Brandner přizjewić, pak telefonisce pod čisłom (01 71) 7 42 33 81 pak z mailku na adresu medjugorje2025-april@gmx.de.

Dny rozpominanja z filmom

Pod hesłom „Domizna – z mnohimi prašenjemi“ přepróšuje Smochčanske kubłanišćo swjateho Bena na dny rozpominanja z filmom, kotrež wotměja so wot pjatka, 31. januara, do njedzele, 2. februara. Přizjewjenja přijimuju hač do pjatka, 24. januara. Link z nadrobnišimi informacijemi je pod www.posol.de wozjewjeny.

Carlo Acutis – wustajeńca w Ralbicach

Wustajeńca wo eucharistiskich dźiwach, kotrež běše zbóžny Carlo Acutis zestajał, steji wotnětka w Ralbičanskej cyrkwi. Dotal běše wona w Njebjelčicach a w Baćonju. Spočatk februara přińdže wustajeńca do klóštra dominikankow we Wettenhausenje, něhdže 40 kilometrow wuchodnje Ulma. Kónc apryla ma so zbóžny Carlo Acutis swjatoprajíc. Wo nim předleži kniha jako comic, kotraž je na katolskich serbskich farach na předań.

Mandželskej seminaraj

Seminaraj k přirotej na sakrament mandželstwa wotmějetej so stajnje pjatk a sobotu, 7. a 8. februara kaž tež 28. a 29. nowembra, w Smochčanskim kubłanišću swjateho Bena. Přizjewjenja přijimuje dekanatne dušepastyrstwo młodžiny we Worklecach online. Link je pod www.posol.de podaty.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Štóž chcył wukubłanje absolwować, měł so pola hospicneje služby Carity w Kamjencu přizjewić. Link k nadrobnym informacijam je pod www.posol.de podaty.

Putniska jězba do Lourdesa a La Salette

Na putnisku jězbu do Lourdesa a La Salette wot pjatka do njedzele, 16. do 25. meje, přepróšuje Šěrachowski pućowanski běrow A-Teams. Wobdźělnicy wopytaja mjez druhim tež Monaco a Avignon. Dalše informacije a přizjewjenja dóstanu zajimcy pola Matthiаса Hadanka w Hórkach pod telefonowym čisłom (01 63) 7 33 82 05 abo w interneće pod www.ateams.de.

W Swjatym lěće diecezanske putnikowanje do Roma planowane

Drježdžansko-Mišnjanske biskopstwo přepróšuje wěriwych we wobłuku Swjateho lěta na diecezanske putnikowanje z biskopom Heinrichom Timmereversom do Roma. Wone wotměje so wot soboty do soboty, 11. do 18. oktobra 2025. Linkaj z nadrobnišimi informacijemi k putnikowanju kaž tež k přizjewjenju stej pod www.posol.de wozjewjenej.